



Von den Bisthumben / Thüemen / vnd denen Clöstern vnd örten des Landes zu Meyssen / darinnen die Hochlöblichen LandesFürsten ihre Begrebnis haben.

Der XXII. Tittel.

Continuatio cum
Tit. XLIII.

Drey Bistum
in Meyssen.



Keyser Hein-
rich / Vogler
genant / der
Anfenger /
Sein Sohn
Otto der
Stifter.

Als Land zu Meyssen hat drey Bisthumb in seiner Refier begriffen / welche alle herrlich / reich vnd beruffen sind. Das erste vnd fürnemeste ist zu Meyssen an der Elbe / Das ander zu Merzburg an der Sala / Das dritte zu Zeitz an der Elster / welches letzere hernach von Naumburg bey der Sala genennet worden / als dahin es zur zeit gleich als verleget ist. Sollen wie droben gedacht / nach etlicher meinung alle drey vmb eine zeit / von Keyser *Henrico Aucupe* angefangen / vnd von desselben Sohn *Ottone Magno* volbracht

sein. Wiewol aus *Dithmaro* vnd andern abzunehmen (wie auch droben im eilfften Tittel gemeldet) das *Auceps* fast wenig an den letzern beiden angefangen / derwegen es gewislich alles *Ottone* zugeschrieben / welcher alle drey mit stadlichen Einkommen versehen / so ferner von den nachfolgenden Keysern vnd LandesFürsten / als gleich den andern Stiftern / sind verbessert worden. Doch habe ich droben meine meinung angezeigt im eilfften Capittel / aus *Dithmaro* / so derselbe von dem anfang des Stiffts *Merzburg* vnter *Henrico Aucupe* geschrieben.

Bistumbs zu
Meyssen an
der Elb
anfang.

Schlacht mit
Vngern bey
Merzburg.

Die vrsach des Meynischen Bisthumbs erbawung wird also referirt: Als Keyser *Heinrich* der Erste oder *Auceps* genant / im Jar 934. etwan ein Jar oder drey nach der Stad vnd Schlosses *Meyssen* erbawung / die grosse Schlacht bey *Merzburg* glücklich volbracht / den Heidnischen Vngern (welcher wie etliche schreiben / Hundert tausent tod blieben / mehr als so viel gefangen worden / vnd sonst viel in der flucht darvon vnd vmbkommen) obgesteget / vnd also ganz *Sachsen* vnd *Thyringerland* von ihrer Tyranny vnd solcher grossen furcht erlöset / Hat er alsbald den Tribut / so er zuvor demselben Volck geben müssen / zum teil vnter arme Leute geteilet / zum teil in die Kirchen geschencket / wie auch *Sigebertus* bezeuget.

Vrsach der
erbawung.

WEl er aber als ein Gottfürchtiger Fürst dieser grossen vberwindung immer je schreier nachgetrachtet / vnd endlich bey ihm selbst so viel befunden / das es allein Gottes scheinbarliche hülff gewesen / Hat Er darauff gedacht / wie er *GOTT* zu Ehren in der Neuen Festung *Meyssen* / welche er / wie gemeldet / neben